



*Učesnici Godišnje skupštine Kluba*

više saznaju o vremenima kad se po nekoliko sati išlo pješice od Pala do Jahorine pod punim opterećenjem sa više pari skija, kad je bio uspjeh ako se u toku jednog dana, za vrijeme treninga, dva puta moglo spustiti sa Šatora.

Prohujala su vremena, Klub je rastao iz godine u godinu građen rukama stotina i hiljada ljubitelja smučanja, čineći istovremeno od svih njih jedinstvenu složnu porodicu koja je kamen po kamen zidala jedinstveni sportski kutak na Jahorini, tada već poznatom zimsko-sportskom centru, čije se ime pročulo širom Jugoslavije i van njenih granica.

Klub se u ovom periodu afirmisao kao vrelo smučarskih talenata, izvanredan organizator značajnih takmičenja i u svemu jedan od najuzornijih sportskih kolektiva u Bosni i Hercegovini.

Na ovoj godišnjoj skupštini dodijeljena su i prigodna priznanja najzaslužnijim članovima i članicama SSK. Plaketu za 20-godišnji rad dobili su Uglješa Cvijetić, Josip Dabo i Nikola Zagorac.

Plakete za 15-godišnji rad u Klubu dodijeljene su Naseru Alihodžiću, Đoki Kočoviću, Šaćiru Drinjaku, Ragibu Hasečiću, Miči Lučiću, Vladanu Šušnjaru, Aci Boškoviću, Rajku Tepavčeviću, Edi Frimlu i Zdenki Mihajlović.

Zahvalnice su dobili: Dragutin Kosovac, Dane Maljković, Borivoje Ostojić, Miroslav Popović, Nezir Zildžić, Duško Đapa, Branimir Sejman, Miloš Janjić, Slobodan Gašić, Nenad Gašić, Dejan Gašić, Ubavka Gašić, Osman Hadžić, Boro Erbez, Ahmet Jažić, Safet Jažić, Murat Jažić, Fikret Jažić, Ibro Slipičević, Nebojša Bobušić, Arif Trbonja, Miloš Rutar, Ljilja Kukić, Zvonko Miletić, Dragan Perović, Zdravko Mičević, Dubravko Pavić, Mirko Kovačević i Slavko Krišto, te čitav niz radnih kolektiva, smučarskih i drugih sportskih društava.

U radnom dijelu ovog skupa značajna pažnja posvećena je pitanju oživljavanja aktivnosti smučara trkača, čijim planovima je data puna podrška s obzirom na tradiciju i realne perspektive ovog sporta koji je svojevremeno činio značajan dio klupske djelatnosti.